

Gjalddagi vatnsskatts er 1. júlí ár hvert og greiðist vatnsskatturinn í einu lagi **12** fyrir liðið ár.

16. febr.

Húseigandi ber ábyrgð á greiðslu vatnsskatts, sem má taka lögtaki, og einnig er hann tryggður með lögveði í húseigninni næstu tvö ár á eftir gjalddaga, með forgangsveði fyrir hvers konar sammingsveði og aðfararveði

13. gr.

Hver sá húseigandi, sem ekki hefur fengið endurnýjaðar vatnsæðar frá því að vatnsveitan yfirtók vatnsveitukerfi Blönduóshrepps, skal þó undanþeginn stofngjaldi og skal vatnsveitunefnd sjá um að leiðslur hans verði endurnýjaðar, honum að kostnaðarlausu, sé vegalengdin frá aðalæð ekki yfir 25 m. Vegalengd þar fram yfir greiði húseigandi að hálfu.

14. gr.

Brot á reglugerð þessari varða sektum allt að kr. 1000.00 — eitt þúsund krónum —, nema þyngri refsing liggja við að lögum.

Mál út af brotum á reglugerð þessari skulu sæta meðferð opinberra mála.

Reglugerð þessi, sem samin er og samþykkt af hreppsnefnd Blönduóshrepps, staðfestist hér með, samkvæmt vatnalögum nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað og birtist hér með til eftirbreytni öllum þeim, er hlut eiga að máli.

Jafnframt er úr gildi felld reglugerð fyrir vatnsveitu Blönduóshrepps nr. 49 23. marz 1949.

Félagsmálaráðuneytið, 16. febrúar 1959.

Friðjón Skarphéðinsson.

Hallgrímur Dalberg.

REGLUGERÐ**um heimilishjálp í Húsavík.****13**

17. febr.

1. gr.

Kvenfélag Húsavíkur og Verkakvænnafélagið Von á Húsavík, annast framkvæmdastjórn heimilishjálparinnar í Húsavík í umboði bæjarstjórnar undir yfirstjórn bæjarstjóra.

2. gr.

Hlutverk heimilishjálparinnar er að veita hjálp á heimilum, þegar sannað er með umsögn lækni, ljósmóður eða á annan hátt, sem framkvæmdastjórn heimilishjálparinnar metur gildan, að heimilishjálpar sé þörf um stundarsakir vegna sjúkdóma, barnsburðar, slysa, dauðsfalla eða af öðrum ástæðum.

Hjálpin skal að jafnaði ekki veitt um lengri tíma í senn en 10—20 daga.

3. gr.

Heimilishjálpin skal jafnan leitast við að hafa til taks eina konu til heimilishjálparinnar. Stjórn heimilishjálparinnar ber að ganga örugglega úr skugga um, að konur þær sem heimilishjálpin stunda, séu hæfar til starfans og séu ekki haldnar smitandi sjúkdómi.

13

17. febr.

4. gr.

Bæjarsjóður Húsavíkur ber ekki fjárhagslega ábyrgð á tjóni, sem konur er vinna á vegum heimilishjálparinnar, kunna að valda við störf sín.

5. gr.

Um launakjör og hlunnindi starfsfólks heimilishjálpar fer eftir ákvörðun bæjarstjórnar. Bæjarstjórn getur veitt eftirgjöf á greiðslu fyrir heimilishjálpar að nokkru eða öllu leyti að fengnum tillögum bæjarráðs.

6. gr.

Fyrir heimilishjálpar skal greitt eftir gjaldskrá er bæjarstjórn setur að fengnum tillögum bæjarráðs og ráðherra staðfestir

Bæjarstjórn setur og reglur um greiðslu, innheimtu og annað, er hún telur máli skipta í þessu efni, og annast fjárreiður.

7. gr.

Reikningar heimilishjálparinnar skulu endurskoðaðir árlega með sama hætti og reikningar Húsavíkurbæjar.

8. gr.

Sá halli, sem verða kann af heimilishjálpar, sem veitt er samkvæmt lögum um heimilishjálpar og reglugerð þessari, greiðist að $\frac{1}{3}$ úr rikissjóði, en $\frac{2}{3}$ úr bæjar-
sjóði Húsavíkur.

Reglugerð þessi, sem bæjarstjórn Húsavíkur hefur samið og samþykkt, staðfestist hér með samkvæmt lögum nr. 10 25. janúar 1952 um heimilishjálpar, til þess að öðlast þegar gildi og birtist til eftirbreytni öllum þeim, sem hlut eiga að máli.

Félagsmálaráðuneytið, 17. febrúar 1959.

Friðjón Skarphéðinsson.

Jón S. Ólafsson.

14

17. febr.

G J A L D S K R Á

fyrir heimilishjálpar í Húsavík.

1. gr.

Greiða skal heimilishjálpar með kr. 45.00 fyrir hvern unnin dag. Vinnutími skal vera 8 tímar hvern virkan dag.

Skyt skal heimilishjálparþiggjanda að láta starfsstúlku heimilishjálpar í té ókeypis fæði á starfsdeginum.

Nú óskar þiggjandi heimilishjálpar að starfstúlka vinni lengri starfstíma en kveður á í 2. málsgrein, skal honum skyt að greiða starfsstúlku aukabóknum samkvæmt samkomulagi aðila.

2. gr.

Greiðslu fyrir heimilishjálpar, samanber 1. málsgrein 1. greinar, skal inna af hendi til forstöðu heimilishjálparinnar, þegar að loknum starfstíma á hverjum stað.